



Il mas-chalch da Sent

Publicaziuns officialas. Cumpara seguond bsögn.
2006/2008
no. 19

7554 Sent, 3 november 2006 / mw

Publicaziun da fabrica

Reguarda: Chasa d'abitar nouva, Via Sura, parcella nr. 602

Patrun da fabrica: Armon Taverna, Tanter Vias, 7554 Sent

Edizium: Ils plans sun exposts in büro cumünal.

Profilà: 23-10-2006

Publicaziun: 03-11-2006

Termin da protesta: 23-11-2006

Reguarda: Ingrondimaint chantun vers süd-ost, Plaz 139A, parcella nr. 480

Patrun da fabrica: Christian Roner, Center la Cauma, 7031 Laax

Edizium: Ils plans sun exposts in büro cumünal.

Profilà: 16-10-2006

Publicaziun: 03-11-2006

Termin da protesta: 23-11-2006

Reguarda: Lobgia illa fatschada vers süd, Crusch 305, parcella nr. 782

Patrun da fabrica: Daniel Lansel, Chasa Buin, 7550 Scuol

Edizium: Ils plans sun exposts in büro cumünal.

Profilà: 20-10-2006

Publicaziun: 03-11-2006

Termin da protesta: 23-11-2006

Edizium: Tuot ils plans sun exposts in büro cumünal.

Recuors: Protestas da dret public, cunter quistas publicaziuns, sun d'inoltrar infra 20 dis in scrit, a partir da la data da publicaziun, al Cussagl cumünal.

La cumischiun da fabrica

Radunanza d'orientaziun

Marcurdi, 15 november 2006 a las 20.15 in chasa cumünala

Tractanda: Orientaziun sur dal proget: Plazzal da sport in Palüzot

Il Cussagl cumünal prevezza da preschantar il proget Piazza da sport in Palüzot in duos parts. Marcurdi als 15 november 2006 sarà preschaint il planisader sar Daniel Wegmüller chi dà insembel culla cumischiun eir risposta sün tuot las dumondas. La dumonda pel credit seguirà lura illa radunanza dals 22 november 2006.

Il Cussagl cumünal

Deponia La Fuorcha

Cur chi vain la naiv resta la deponia **serrada** ufficialmaing **fin davo Pasqua**.

In cas urgiants e scha'l stadi da la via d'access fin pro la deponia permetta, as po passar per la clav in büro cumünal. L'avertüra ufficiala dal 2007 vain comunicada aint il Mas-chalch.

Chi chi ha amo clavs per rivir la barriera da la deponia dess far il bain da tillas restituir fin a la fin da l'on 2006.

Il Cussagl cumünal

Avis a reg. rumir naiv da/per privats

Illa sezzüda dals 4 december 1996 ha discus il Cussagl cumünal a regard tscherchar üna soluziun pel möd da rumir la naiv per privats. In vista cha quista fatschenda nun es daltuot simpla a regard trar tscherts cunfins, ha decis il Cussagl cumünal da metter quist avis aint il Mas-chalch:

1. Id es admiss da rumir plazzas privatas sün vias cumünalas, scha la naiv vain palada sün via avant, il plü tard al mumaint, cha quella vain rumida dal cumün;
2. Sch'inchün giavüscha ch'ün toc terrain privat vegna rumi dal cumün, es quai pussibel cunter pajamaint. Annunzchar p.pl. in büro cumünal opür directamaing al schef da strada;
3. I nun es admiss, davo cha'l Cumün ha rumi las vias, da rumir naiv da terrain privat sün vias cumünalas. A quel chi surpassa quista decisiun dal Cussagl cumünal vaina miss in quint la lavur per rumir la via cumünala da nouv.

Tuot ils ogets (vaschs, chaistas da fluors, bancs e.o.p.) chi sun miss davant las chasas ston gnir allontanats sur inviern, per evitar dons in connex culla rumida da naiv.

Il Cussagl cumünal

Avis a reg. allontanar saivs electricas

Tenor art. 32 da l'uorden champester ston tuottas saivs electricas chi sun gnüdas fattas sün terrain privat e cumünal gnir allontanadas d'uraint il temp d'inviern. Our da quel motiv sun quellas da **levar per la fin da november 2006**.

Sch'inchün nu vess da seguir a quist appell, vain levà da Cumün oura a cuosts da quel chi ha invalidà d'allontanar la saiv. **Attenziun:** Quist avis vala eir per alps e pas-chs! Eventuals dons chi subaintran van a charg da quel chi nun ha levà la saiv! Fich privlus sun pels skiunzs filfiers chi vegnan be miss giò per terra. Per plaschair allontanar eir quels.

Il schef da god, pas-ch e pauraia

Da dar a fit a Sent

Ün'abitaziun da 3 stanzas, cun ün lö per sezzer dadoura e piazza da parcar.

Interessents s'annunzchan suot il nommer da telefon: 081 864 98 66, Andri e Gianna Bettina Gritti, Via Sura, Sent



INFORMAZIUNS

Als 7 november 2006 a las 20.15 h.
Sairada da schach

Als 15 november 2006 a las 20.15 h.
Film

Als 21 november 2006 a las 20.15 h.
Sairada da gös

Als 18 november – als 10 december 2006
Exposiziun da purtrets da Ursina Gianotti aint illa
„grotta da cultura“
Invid a la vernischa sonda, als 18 november 2006
da las 17.00 – 19.00 h.

Grotta da cultura

Da dar a fit a Sent

A partir dals 1. favrer o tenor cunvegna, ün'abitaziun da 5 1/2 stanzas, ca. 160 m2 cun 2 lobgias vers süd, cheminè, e 2 duschas.

Predsch cumprais cuosts supplementars frs. 1'800.00.

Interessents s'annunzchan suot il nommer da telefon: 078 662 74 94, Christian Benderer, Curtin Sot, Sent

Christian Benderer

Reavertüra – Sport Champatsch

La butia Sport Champatsch es darcheu averta davent dals:

6 november 2006 da las 9.00 - 11.00 e da las 15.00 - 17.00, dumengia serrà.

A partir dals 18 december 2006 da las 8.00 - 12.00 e da las 15.00 - 18.00, dumengia

da las 8.30 - 10.00 e da las 16.00 - 18.00.

No ans allegrain sün vossa visita.

Team Sport Champatsch

Da dar a fit per tuot on

Da dar a fit a partir da subit o tenor cunvegna abitaziun nà möblada cun 3 ½ stanzas suot il tet. Infuormaziuns plü detagliadas dan gugent C. e F. Brown, Plaz 159, Sent, tel. 081 860 00 28.

C.+ F. Brown

Acziun paquetins da nadal

Sco eir fingia l'on passà, ramassaina eir quist on in **sonda als 4 november 2006** oura in Plaz da las 9.00 a las 11.00 paquetins da nadal per glied povra. Infuormaziuns plü detagliadas as chatta aint illas brochüras in nossas butias o suot www.weihnachtspaeckli.ch.

Aktion Weihnachtspäckli

Am **Samstag, 4. November 2006** werden auf dem Dorfplatz Sent von 9.00 – 11.00 Uhr wie bereits im Vorjahr Weihnachtspäckli für notleidende Menschen gesammelt. Genauere Informationen entnehmen Sie aus den in diversen Geschäften ausliegenden Broschüren oder unter www.weihnachtspaeckli.ch.

Avis:

A partir da subit es nossa butia darcheu averta seguaintamaing:

Uras d'avertüra:

Lündeschdi: 16.15 – 18.00 h

Marcurdi: 15.00 – 18.00 h

Venderdi: 15.00 – 18.00 h

Sonda: 09.00 – 11.00 h

Tel.081 864 81 05

www.butiaschlerin.ch

**Butia Schlerin****Activitats / Aktivitäten**

Butia Schlerin

25 november 2006 Expositiun da Nadal 9.30 – 17.00 h

25 November 2006 Weihnachtsausstellung 9.30 – 17.00 Uhr

Cuors per creschüts / Kurse für Erwachsene

10 & 24 november 2006

Nouva tecnica cun Décopatch e differentas decoraziuns da Nadal

Urari e dürada:

20.00 – 22.00 h, 2 sairas

Lö:

Butia Schlerin, Sent

Cuosts:

Fr. 25.00 + material

10. & 24. November 2006

Neue Technik Décopatch und diverse Weihnachts Dekorationen

Zeit und Dauer:

20.00 – 22.00 Uhr, 2 Abende

Ort:

Butia Schlerin, Sent

Kosten:

Fr. 25.00 + Material

Cuors per uffants

No zambriain pitschens regals da Nadal

18 november, 25 november ed ils 2 december 2006

Ufficina da Nadal per uffants

Urari e lö:

14.00 – 17.00 h, Butia Schlerin, Sent

Cuosts e dürada:

Fr. 18.00 pro davomezdi

Annunzcha / Anmeldung

Nom / Name

Prenom / Vorname

Adressa / Adresse

Lö / Ort

Numer da telefon / Telefonnummer

Cuors dals

Per retschaiver SF 1 e SF duos sur l'antenna da televisun dovra a partir dals 13 november 2006 ün receptor digital

In Engiadina nu vegnan emiss plü ingüns signals da televisun analogs a partir dals 13 da november 2006

Davent dals 13 november 2006 nu pon definitivamaing gnir recepi plü ingüns signals da televisun analogs in Engiadina. Las chasadas chi survgnivan fin uossa il signal da televisun analog sur ün'antenna da tet, da chombra o d'apparat, dovran a partir da quista data ün receptor digital o ün receptor via satellit per pudair guardar sur l'antenna ils programs SF 1, SF duos, TSR 1, TSI 1 sco eir SF info in qualità digitala. Simpels recepturs digitals as survegna in affars spezialisats fingià a partir da var 150 francs.

Apparats da televisun chi retschaivan il signal via cabel o satellit, nu sun pertocs da quista müdada.

Ulteriuras infuormaziuns survgnis Vus dals affars da televisiuns spezialisats, aint il internet suot www.digitalesfernsehen.ch, sün la pagina 390 dal teletext da SF 1 o sur la Helpline 0848 34 44 88.

SRG SSR idée suisse, october 2006

A partir dals 13-11-06 emetta la televisiun svizra SF en l'Engiadina ils programs mo pli a moda digitala.

Guardais Vus televisiun sur l'antenna? Alura stuais Vus ussa daventar activ: midai a la televisiun digitala!

Evital in'interrupziun dals programs e cumprai anc avant ils 13 da november in receptor digital. La televisiun digitala As porscha era ina megra qualità dal maletg e dal tun. Ulteriuras infurmaziuns: www.digitalesfernsehen.ch u teletext pagina 390. Senti quai che Vus vesais. La televisiun digitala vegn en l'Engiadina.

